



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 59. Ecclesia Anglicana.

[urn:nbn:de:hbz:466:1-66385](#)

Sæcul. XII. dit: *Si quid ergo vel Antiochenæ vel Je-*
A.C. 1108. *rosolymitanæ Ecclesiæ aliter fortasse quam*
oportuit de Parochiarum finibus scripsi-
mus, id nec levitati nec malitiæ adscriben-
dum est, nec propterea scandalum excitan-
dum, quoniam maxima locorum distan-
tia & antiquorum nominum commuta-
tion, quæ civitatibus vel provinciis accidit,
non modicam nobis ambiguitatem vel
ignorantiam attulerunt. Ceterum ex-
optamus suum Jus & honorem quibuscum-
que Ecclesiis conservare. Hic dispicimus,
negotia remotarum Regionum, causa
non satis cognita, curare velle, rem esse
maximo errandi periculo obnoxiam.

§. LIX.

Ecclesia Anglicana.

In Anglia incontinentes Clerici satis
 coerceri non poterant; complures
 enim Presbyteri mulieres domi retine-
 bant, alii concubinas falsa matrimonii
 specie ducebant. Quibus malis ut me-
 deretur Rex, cum Festum Pentecostes,
Edmer. 4. quod anno millesimo centesimo octavo
Nov. n. 43. in diem vigesimam quartam Maji incide-
 bat,

meminimus. Sed quæri merito posset, an non
 ad conservandam & propagandam apud Græ-
 cos veram fidem expeditisset, Græcorum Ritum
 non tollere in Ecclesiis, quæ illum a principio
 amplexæ huc usque retinuerant?

bat, celebraret, Londini Principes & Episcopos, quorum caput erat Anselmus, & Thomam electum Archiepiscopum Eboracensem (nam Girardus, ad hæc Comitia veniens, in itinere morte occupatus fuerat) convocavit. In eo Conventu decem Canones conditi, in quibus præter alia statuuntur sequentia. Presbyteri, qui post Interdictum Londinensis Concilii (nempe anno millesimo centesimo secundo celebrati) Missam celebrare voluerint, feminas ita dimittant, ut iis nunquam amplius colloquantur, nisi extra domos & duobus testibus præsentibus. Si malint Ministerium Altaris dimittere quam mulieres, ab omni officio remoti, & omni Beneficio Ecclesiastico privati, perpetua notentur infamia. Archidiaconi & Decani jurent, quod non sint toleraturi, Presbyteros concubinam habentes officio suo fungi. Presbyteri vero, qui relictis mulieribus Deo & Sacris Altaribus servire elegerint, quadraginta dies Interdicto subjaceant, injuncta eis pœnitentia. Omnia mobilia lapsum posthac Presbyterorum, aliorumve Clericorum, & ipsæ Concubinæ cum rebus suis, tradantur Episcopis.

Sub idem tempus negotium agitari cœpit de nova Cathedra Episcopali erigenda in Diœcesi Lincolniensi, quæ nimia amplitudine laborabat, placebatque

M 2 Regi,

Sæcul. XII.
A.C. 1108.
to. 10. Cons.
p. 716.

c. 2.

c. 3.

c. 5.

c. 8.

c. 9.

c. 10.

Sæculum XI. Regi, Archiepiscopo & Proceribus no-
A.C. 1108. vam Sedem in Abbatia Æliensi ponere.

n. 44.

Tunc vero Anselmus, ut refert Eadme-
rus, cum sciret, novum Episcopatum si-
ne Papæ auctoritate condi non posse, da-
ta ad Paschalem II. Epistola, hujus rei
causas edocuit, atque consentire Regem,
Episcopos, Principes, & in primis Episco-
pum Lincolniensem, cui aliunde damnum
præstaretur. Pontifex, ut id fieret, con-
cessit; res vero non prius, quam Ansel-
mus migravisset ad Dominum, executio-
ni data.

Inter hæc cum Turgotus, monachus
Dunelmensis, Episcopus S. Andreæ in Sco-
tia fuisset electus, & a Thoma, Archiepi-
scopo Eboracensi, Metropolita suo, nec-
dum ordinato, consecrari non posset,
Episcopus Dunelmensis se se obtulit ad
consecrandum Turgotum Eboraci, Tho-
ma, Episcopis Scotiæ, ac Insularum Or-
cadum, præsentibus; verum reclamavit
Anselmus, affirmans, stantibus his adjun-
ctis Turgotum a nemine nisi a se ordina-
ri oportere. Thomam deinde urgebat,
ut ordinari vellet, & comperto, quod de
suis quemquam Romam misisset, ad ob-
tinendum Pallium ante consecrationem,
Anselmus Papam, datis literis, rogavit,
ne Pallium ei concederet, priusquam fu-
isset ordinatus, putaret enim, sub jungit
Anselmus, accepto prius Pallio, se mibi
tabi-

*tanquam Primi non esse subiectum, quæ
res in Anglia Schismatis occasio esse posset.* Sæcal. XII.
A.C. 1108.

His adjicit: *Conqueritur Rex noster,
quod Regem Germanicæ Investitoram Ec-
clesiarum dare patiaris, nec tamen in eum
excommunicationis censura animadvertis,
minaturque, se quoque eodem jure iterum
uti velle. Vide ergo sine mora, quid ti-
bi faciendum sit, ne quod feliciter ædi-
casti in perpetuum destruas. Nam Rex
noster accurate edoceri vult, quid de illo
Principe statuas.*

Dato Responso, Papa Anselmo pro-
misit, nihil se, quod jura Ecclesiæ Can-
tuariensis lèdere posset, facturum. Tum
subjungit: *Quod vero dicas, scandalo esse Pasch. P. epist.
quibusdam, quod Regem Teutonicum In-
vestituras dare dissimulemus, nec tolera-
se nos aliquando nec dissimulaturos esse
scias. Expectamus quidem, ut ferocia il-
lius Gentis edometur; Rex vero, si in pa-
ternæ nequitiae tramite perseveraverit, Be-
ati Petri gladium, quem jam educere cœpi-
mus, procul dubio experietur.* Data est
hæc epistola duodecima Octobris, Bene- Chron. Caff.
6. 33.
venti, quo Papa concederat, ut Conci-
lium celebraret. In eo Laicos iterum
excommunicavit, qui Beneficia Ecclesi-
stica conferrent, illosque, qui talia de
eorum manibus acciperent. Clericos
vetuit, pretiose vestitos, & more Sæcu-
larium cultos, incedere.